



12. august 2011

UPA 2012/20
UKA 2011/130

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Kalaallit Nunaanni inissiat tapiissutitalit, taarsigassarsiartallit, attartornermut akiliutitalit aamma ikorfartukkat pillugit apeqquteqaat aallaavigalugu oqallinnissamik siunnersuut.
(Inatsisartunut ilaasortaq Justus Hansen, Demokraterne)

Tungavilersuut

Kalaallit Nunaanni politikikkut oqallinnermi uteqqiattuatoq tassaavoq inissiat. Amerlasuutigut oqallisigineqartarpoq inissiat ajorpallaarnerat, ineqarnerup akisuallaarnera imaluunniit pisortat inissiaataannut utaqqisarnerup sivisuallaarnera.

Paasilluarsinnaavara oqallinnermi pineqartut qulequttat tikinneqakulammata, ajoraluartumilli oqallinneq akuttusuuginnarmik pissarsinartarpoq aaqqiissutissanillu tikkuussiffiusarluni. Taamaattumik neriuutigaa, manna apeqquteqaat aallaavigalugu oqallinnissamik siunnersuut siumut isigaluni oqallinnissamut aallarniutaasinnaassasoq tikkuussilluni inissialiortarnerput sumut sammissanersoq qanorlu ingerlalluni.

Kalaallit Nunaanni inissiat pisortat tapiissutaannik annertuunik tungavilipilussuupput aamma Kalaallit Nunaanni inissiarpassuit pisortat attartortittagaraat. Tamanna pissusissamisoorpa? Inissaaleqineq pisarnitsit aqqinniartuassavarput?

Unga isumaqarpunga taamaassanngitsoq. Demokraatini isumaqarpugut taamaassanngitsoq. Akileraartarnermut Tunguinernullu isumalioqatigiisitaq taamatut isumaqanngilaq.

Taavami ? Qanormi siunissami sanaartussaagut aamma qanoq aningaasalersussavagut aamma suut tungavilersuutugalugit inissialiortitsineq aaqqiissuussiffigineqalersinnaava?
Piffissaq manna aningaasarsiornikkut ajornartorsiorfiusoq iluatsillugu pineqartoq ullumikkut akisuupilussuaq allanngortiteriffigisariaqarparput. Inissialioriaaserput pilersarusiortariaqarparput ullumimut naleqqiullugu annerusumik inuinnaat aningaasaleeqataasussanngorlugit. Ikippallaat illussaminnut akiliisarput taamaattumik pisortat taakkuujuarput illuliortiternermut aningaasaliisartut.

Pisortat illuliortuutillugit nutaaginnaat pisortanit aningaasalersorneqarneq ajorput, aammali nutarterinerit piffissap ingerlanerani pinngitsoorneqarsinnaanngitsut.

Isumaqarpunga, illussat nammineq akilertaraanni, aamma taava paarilluarneqarnerussaag. Pissuseq tamanna aallartinneqarsinnaavoq periuseq attartortumiik piginnittumut nutarterneqartuuppat, inuit init attartukkatik pisiarisinnaanngoqqissagaluarpaat. Taamaasiornikkut inigisanut pissusilersorneq isiginneriaaserlu allanngussagaluarpoq, qularnanngitsumillu inissiat ataavartumik aserfallattaalinerannut aningaasartuutit ikilisinnaassagaluarput. Aningaasat aserfallattaaliinernut ator-neqartartut allanut atorsinnaalissagaluarpagut.

Maannakkut ineqarnermut politikki ingerlaannassappat taava siunissami ukiorpassuarni nutarterinernut annertuunik aningaasartuuteqartuartaassaagut aamma aserfallattaaliinernut. Taamaagin-nassappat ineqarneq pillugu oqallittarnigut allanngunngisaannassapput.

Taamaattumik tusarusuppakka partiit isumaat siunissami aningaasaatitta killeqartut qanoq atortelernissaannut. Sanaartornernut suli amerlanernik tapiissuteqartassaagut? Illulianut aalajangersi-masunut toqqaannartumik toqqaannanngitsumillu tapiissuteqartuartaassaagut? Landskarsi taarsi-gassarsititsisartutut iluanaarniartittuassavarput? Ineqarfiit immikkoortortaanni ineqarnermut aki-liutit ingerlatsinernut aningaasartuutinut naapertuunnerusariaqarpat?

Kalaallit Nunaanni inissialiortiternerup pilersaarusioneranut atatillugu nutaatut partiinut apeqqutigerusuppara sanaartornernut inatseqalernissarput qanoq isumaqarfigineraat, taamaasil-luni ullumikkumut naleqqiullugu aningaasanut inatsimmi siusinnerusumik sanaartugassanut aningaasaliisoqartalissagaluarpog. Tamatuma nassataanik sanaartornernut pilersaarusionorfissaq piffissaq sivitsorneqassaaq, illuliortartut pilersaarusionerat sivisunerulissaaq aamma sanaartor-neq ukiup ingerlanerani ataavannerusumik ingerlasinnaalissaaq kinguneranillu ukioq kaajallallu-gu suliffiit ataavartut attatiinnarneqartassapput ullumikkutut piffissap sanaartorfiup iluani avataa-nilu sulisut amerlassusaasa nikerartarnerujussuat qimallugu.

Nunani allani amerlanerpaatigut suliffiit namminersortut illunik attartortitsisarput. Kalaallit Nu-naanni inatsit allanngortissinnaavarput, ingerlatseqatigiiffinnik inissianik nalinnaasumik attart-ortitsisartunik pilersitsinissaaq ingerlatsinissarlu pilerinarnerulersillugu?

Pineqartumi oqallisigissallugit pilerinartut amerlaqaat taamaattumik neriuppunga, oqallinneq in-gerlaqqikkumaartoq ingerlanneqarluni isumatumik angusaqarusussuseqartumillu.

Taamatut oqaaseqarlunga Inatsisartut oqallilluarnissaannik kissaappakka.